

rato, per non aver danari da pagar quelle zente. Et ozi si ave letere, come quelli fanti haveano messo a sachò la piazza di Montagnana; sì che si provedi. Et la compagnia dil Grecho, Zustignan e lui è partito. *Unde* la sera li fo mandato, trovati con gran stento, ducati

Vene letere di Constantinopoli, et per letere di Andernopoli, di 23 novembrio, dil

Da poi disnar fo colegio di savij *ad consulendum*. *Etiam* si reduce il principe et la Signoria. Et non fu letere di campo, *videlicet* dil provedador Capello, che molto erano desiderate.

384. A dì 19, *domenega*. Da matina. Nulla fu da conto. Poi disnar fo gran consejo. Et vene letere dil provedador Capello, di 16, il sumario scriverò poi. Ma prima qui soto noterò una letera, venuta di campo, copiosa di nove. *More solito*, vene a nona.

Di sier Hironimo Lipomano, a sier Vetur, suo fradello, date a dì 16, a hore 2 di note. Chome il provedador Capello sta ben, et non ha più una doglia al mondo. Non à voluto ozi andar al papa, per guardarsi; anderà a la più longa sabato da matina, a dì 18, e lassa il cargo a l'orator Donato. Quelli dil papa, zoè il ducha di Urbino et Fabricio Colona, *tandem* questa matina sono stati dal papa, et hanno confessato aver fato eror, e che, dove i hanno messo l'horo le attellarie, non è a preposito, e che voleno meterle nel fosso, che ha fato missier Jannus de Campo Fregoso; et cussi, tra ozi et di mane, sarà facto. Il papa à usato quelle parole medesime di questi zorni, e di mazor; e qualche fiata questi dil papa volea cargar li nostri, e 'l papa vien in colora con li soi. Eri il signor Almerigo di San Severino, ch'è li in campo, li à dito che 'l parlò eri molto con il papa, qual si trova molto satisfato dil Stato nostro; e parlò su Ferara, perchè lui è informato, e lo manda per certi serviej a saper *etc.* *Etiam* li ha dito, soa matregna, madona Fina, esser morta za 6 zorni; li è stà trovato ducati 2500 d'oro. Ozi è ussito uno fante di la Mirandola, dize che stanno male; e ozi i hanno, l'horo dentro, trato pocho. Dize che ozi quelli di la terra sono stati a la madona, la qual li ha dito che aspetino a rendersi fino a dì 22, che francesi li darano socorsso; sì che la Mirandola si averà, e fin qui il papa la dà a sachò, et è cità richa. El cavalier di la Volpe, nostro condutier, parlò eri nel consulto con il papa, perchè

quelli dil ducha voleva pur dir non so che. Rispose, che 'l non porta scufie d'oro, ma che, venendo francesi, che dicono sono per vegnir, che non li stima. Il papa fa molto caxo di missier Janus, et li ha dato, che 'l pagi li guastadori che lavori, uno julio al zorno et uno a la note, che sono soldi 24 di nostra moneta, che saria ducati 6 al mexe. Si 'l papa non provede di questi soi, el non è per far cossa buona; non dize di la Mirandola, perchè la si averà, ma dize di altre gran cosse. Il signor Alberto da Carpi è ritornato dal papa; porta, per quello si dize, che francesi si fanno grossi a Rezo, e voria far acordo. Ma il papa non vol sentir francesi; e, venendo, li nostri non li stima; ma non vegnirano *etc.*

Exemplum.

385

1510, a dì 19 *zener*, in majori consilio.

Son stà poste a la zornata, et se meteno, diverse parte, azio i debitori de la Signoria nostra pagi, per poder satisfar a le prexente ochorenzie, de la importanza nota (a) cadaun; et *tamen*, non ostante molte dilactione date, se atrovano debitori opulenti per gran suma de denarj, qualli, deposto el beneficio publico et la carità deveriano aver a la patria, per la propria conservazion loro, non curano pagar, *solum* per questa cauxa, che non vedeno alcuna exequuziom de la parte et deliberazion antedicta; *adeo* che, se non si provide, non *solum in scriptis* ma con propri efecti, non serà possibile satisfar alle spese ochorente per conservazion del stado nostro. E però, esendone necessarissimo varia et oportunamente proveder,

L'anderà parte che, per auctorità de questo consilio, sia dà termene per tuto el prexente mexe a tuti i debitori de la Signoria nostra, sì per conto de le inpozition poste ne la presente guera, como *etiam* di otto officij, trenta et quaranta per cento, et cadauna altra sorte debito, sia qualle esser si voglia, de pagar *integre* quanto dieno dar alla Signoria nostra. El qual termene pasado, quel che vegniseno in pregadi sotto cadaun titolo, over per lor, non avendo, *ut supra*, satisfato, siano chazati subito del consejo nostro de pregadi, nè siano permessi venir, se non porterano uno boletin de li ofizij, dove serano debitori, per el qual sia fato fede che i abino pagato con integrità; qual boletini *immediate* sia leto in nel consejo nostro de pregadi. Et si alquon serà sì proxontuoxo de starne, non avendo satisfato, cadì a pena *immediate* de privazion del consejo over